



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-33995-3/23  
Sarajevo, 27.07.2023. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i člana 37. stav (1) Zakona o pravobranilaštvu ("Službene novine Kantona Sarajevo", broj: 33/08, 7/12, 44/16 i 45/21) Vlada Kantona Sarajevo, na **19. sjednici održanoj 27.07.2023. godine**, donijela je

## ZAKLJUČAK

1. Prihvata se Izvještaj o radu Pravobranilaštva Kantona Sarajevo za 2022. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo na nadležno odlučivanje.

**PREMIJER**

**Nihad Uk**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Pravobranilaštvo Kantona Sarajevo,
7. Evidencija,
8. A r h i v a.





Broj:  
Sarajevo,

Na osnovu člana 18. Ustava Kantona Sarajevo ("Službene novine Kantona Sarajevo", br. 1/96,2/96, 3/96, 16/97, 14/00, 4/01, 28/04, 6/13 i 31/17) i člana 37. Zakona o pravobranilaštvu ("Službene novine Kantona Sarajevo", br. 33/08, 7/12, 44/16 i 45/21), Skupština Kantona Sarajevo na sjednici održanoj dana \_\_\_\_\_ godine, povodom razmatranja Izvještaja o radu Pravobranilaštva Kantona Sarajevo za 2022. godinu, donijela je sljedeći

## ZAKLJUČAK

Usvaja se Izvještaj o radu Pravobranilaštva Kantona Sarajevo za 2022. godinu.

**PREDSJEDAVALAČI  
SKUPŠTINE KANTONA SARAJEVO**  
Elvedin Okerić

Broj:  
Sarajevo,

## OBRAZLOŽENJE

### I PRAVNI OSNOV

Pravni osnov za donošenje ovog Zaključka sadržan je u čl. 18. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), članu 37. Zakona o pravobranilaštvu („Službene novine Kantona Sarajevo broj: 33/08, 7/12, 44/16 i 45/21) i članu 120. Poslovnika Skupštine Kantona Sarajevo. Pravni osnov za izradu Izvještaja o radu Pravobranilaštva Kantona Sarajevo za 2022. godinu je član 37. stav 1. Zakona o pravobranilaštvu („Službene novine Kantona Sarajevo broj: 33/08, 7/12, 44/16 i 45/21), kojim je propisano da Pravobranilaštvo podnosi Skupštini i Vladi Kantona Sarajevo izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva. Ministarstvo pravde i uprave u skladu sa članom 37. stav 2. Zakona o pravobranilaštvu dostavlja Vladi i Skupštini Kantona mišljenje o podnesenom izvještaju, sa prijedlogom zaključaka.

### II RAZLOZI ZA DONOŠENJE

Razlozi za donošenje ovog Zaključka proizilaze iz obaveze za podnošenje Izvještaja o radu Pravobranilaštva Kantona Sarajevo sadržane u članu 37. Zakona o pravobranilaštvu.

Bosna i Hercegovina  
Federacija Bosne i Hercegovine  
**KANTON SARAJEVO**  
Pravobranilaštvo Kantona Sarajevo



Босна и Херцеговина  
Федерација Босне и Херцеговине  
**КАНТОН САРАЈЕВО**  
Правобранилаштво Кантона Сарајево

Bosnia and Herzegovina  
Federation of Bosnia and Herzegovina

**CANTON SARAJEVO**  
Public Defender's Office of Sarajevo Canton

Broj: Pk-45/23  
Sarajevo, 16.06.2023. godine

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo pravde i uprave

Bosna i Hercegovina  
Federacija Bosne i Hercegovine  
**KANTON SARAJEVO**

PREMIJENI	19-06-2023	Pod. Broj
05	04	29261

**PREDMET:** Izvještaj o radu Pravobranilaštva Kantona Sarajevo za 2022. godinu, dostavlja se

Postupajući u skladu sa pozitivno pravnim propisima, u prilogu ovog akta Vam dostavljamo Izvještaj o radu Pravobranilaštva Kantona Sarajevo za 2022. godinu i to u dva primjerka u pisanoj formi i digitalnoj na CD mediju.

S poštovanjem,

v.d. PRVOBRA

SARAJEVO



**IZVJEŠTAJ**  
**O RADU PRAVOBRANILAŠTVA**  
**KANTONA SARAJEVO**  
za period 01.01.2022. do 31.12.2022. godine

*Sarajevo, april 2023. godine*

## SADRŽAJ

IZVJEŠTAJ O RADU PRAVOBRANILAŠTVA KANTONA SARAJEVO.....	3
UVOD.....	3
NADLEŽNOSTI PRAVOBRANILAŠTVA.....	3
ZASTUPANJE.....	3
STRUČNA POMOĆ I DAVANJE MIŠLJENJA.....	4
ZAKONSKI OSNOV.....	5
POSTUPCI PRED SUDOVIMA I POSLOVI ZASTUPANJA.....	5
PODACI O KRETANJU PREDMETA.....	7
PARNIČNI POSTUPAK "P".....	7
ZNAČAJNIJE PARNICE U 2022. GODINI.....	9
Značajnije parnice iz oblasti radno-pravnih sporova.....	9
Značajnije parnice iz oblasti obligaciono-pravnih sporova – naknada štete.....	12
Predmeti u kojima Kanton Sarajevo potražuje isplatu duga na ime koncesione naknade za eksploataciju.....	14
Značajniji postupci iz oblasti imovinsko-pravnih odnosa.....	16
IZVRŠNI POSTUPAK.....	17
IZVRŠNI POSTUPAK ZA NAPLATU SUDSKE TAKSE.....	18
Prinudna naplata sudske takse.....	18
NAPLATA TROŠKOVA PARNIČNOG I IZVRŠNOG POSTUPKA KAO JAKO VAŽNA KARIKA U RADU PRAVOBRANILAŠTVA U 2022. GODINI.....	20
PRAVNA MIŠLJENJA.....	21
VANSUDSKE NAGODBE.....	21
STAMBENI PREDMETI.....	22
PREDMETI U PRIPREMI.....	22
IZVJEŠTAJ O JAVNIM NABAVKAMA.....	23
SISTEMATIZACIJA RADNIH MJESTA.....	25
OCJENA STANJA I POSTIGNUTI REZULTATI.....	27
SARADNJA PRAVOBRANILAŠTVA SA ORGANIMA KOJE ZASTUPANJA.....	27
PROGRAMSKA ORJENTACIJA ZA NAREDNI PERIOD.....	28

Shodno članu 37. Zakona o pravobranilaštvu ("Službene novine Kantona Sarajevo", broj 33/08, 7/12, 44/16 i 45/21), Pravobranilaštvo Kantona Sarajevo podnosi Skupštini i Vladi Kantona Sarajevo:

## **IZVJEŠTAJ O RADU PRAVOBRANILAŠTVA KANTONA SARAJEVO**

### **za period od 01.01.2022. do 31.12.2022.godine**

#### **UVOD**

Shodno Zakonu o Pravobranilaštvu ("Sl. Novine Kantona Sarajevo" br. 33/08, 7/12, 44/16 i 45/21), Pravobranilaštvo Kantona Sarajevo (u daljem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo i njegovih organa, kantonalnih organa uprave, kantonalnih upravnih organizacija, stručnih službi i drugih institucija čiji je osnivač Kanton Sarajevo, kao i preduzima mjere i pravna sredstva radi pravne zaštite imovine i imovinskih interesa Općine Ilijaš.

Sjedište Pravobranilaštva Kantona Sarajevo je u Sarajevu, na adresi Branilaca Sarajeva 21/1.

Pravobranilaštvom Kantona Sarajevo rukovodi pravobranilac. Funkciju vršioca dužnosti kantonalnog pravobranioca obavlja Samir Termiz, dotadašnji zamjenik pravobranioca Kantona Sarajevo.

#### **NADLEŽNOSTI PRAVOBRANILAŠTVA**

##### **ZASTUPANJE**

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju navedenih pravnih radnji, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku, te je ovlašteno da preduzima sve radnje koje preduzima stranka u postupku.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Ako Vlada Kantona drugačije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih

interesa Kantona pred stranim sudovima, arbitražama i drugim stranim državnim organima i organizacijama.

Također, Pravobranilaštvo Kantona Sarajevo može zastupati navedene organe koji su tuženi u upravnom sporu, ako ga isti na to ovlaste.

## **STRUČNA POMOĆ I DAVANJE MIŠLJENJA**

Pravobranilaštvo pruža stručnu pomoć organima, fondovima, preduzećima i drugim pravnim licima čiji je osnivač Kanton u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Navedeni organi i pravna lica dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima, te ukoliko je predmet pravnog posla pokretna stvar ili imovinsko pravo čija vrijednost prelazi 10.000 KM na dan utvrđivanja vrijednosti.

Pored toga, Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko-pravnim ugovorima koje namjeravaju da zakluče sa stranim pravnim i fizičkim licima, kao i o drugim imovinsko-pravnim odnosima sa tim licima.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.

Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje svakodnevno zaprimamo od Općinskog suda u Sarajevu. Složenost istih se posebno ogleda u tome da su nerjetko takseni obveznici strani državljani što iziskuje dodatno više vremena na pronalaženju i identifikaciji istih, zatim utvrđivanju osnova njihovih primanja a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana sumu koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama.



## ZAKONSKI OSNOV

Pravobranilaštvo postupa u skladu sa utvrđenim nadležnostima propisanim Zakonom o pravobranilaštvu i drugim propisima, na temelju državnih, federalnih i kantonalnih zakona, kao i podzakonskih akata.

Osim nadležnosti i djelokruga rada Pravobranilaštva iz ovog Zakona, nadležnost Pravobranilaštva je predviđena i drugim propisima: Zakonom o građevinskom zemljištu ("Sl. novine FBiH", br. 25/2003, 16/2004 - ispr., 67/2005 i 94/2018 - odluka US), Zakonom o eksproprijaciji ("Sl. novine FBiH", br. 70/2007, 36/2010, 25/2012, 8/2015 - odluka US i 34/2016), Zakonom o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016), Zakonom o stvarnim pravima ("Sl. novine FBiH", br. 66/2013, 100/2013 i 32/2019 - odluka US) koji je počeo sa primjenom 05.03.2014.godine., te drugim propisima.

## POSTUPCI PRED SUDOVIMA I POSLOVI ZASTUPANJA

U okviru aktivnosti na poslovima zastupanja, Pravobranilaštvo je bilo angažovano na slijedećim poslovima:

- sačinjavanju tužbi i upućivanje istih nadležnim sudovima,
- izradi odgovora na tužbe zaprimljene protiv Kantona,
- zastupanje na ročištima,
- izrada pismenih podnesaka u toku trajanja postupka,
- ulaganju redovnih i vanrednih pravnih lijekova protiv odluka sudova,
- podnošenje apelacija pred Ustavnim sudom BiH,
- uključivanje u svojstvu umješaača u sudske sporove na strani jedne parnične stranke,
- davanju pismenog odgovora na pravne lijekove druge stranke u postupku,
- zaključivanje sudskih nagodbi, kao i pokušaj rješavanja sporova putem medijacije,
- sačinjavanju opomena pred tužbu i drugi administrativno-tehnički poslovi.

U 2022. godini u radu Pravobranilaštva evidentirano je ukupno 12.796 predmeta, od kojih je 1936 parničnih predmeta (P), 4.786 izvršnih predmeta (I), 5.112 predmeta izvršnog postupka za sudsku taksu (It), 90 upravnih predmeta (U), 319 mišljenje (M), 13 vanparničnih predmeta (Rv), 22 upravnih sporova (Us), 30 mišljenja u vezi nadležnosti Pravobranilaštva shodno čl. 16. Zakona o građevinskom zemljištu i čl. 363. Zakona o stvarnim pravima (Um), 342 internih spisa (Pk), 15 stambenih predmeta (Su) i 131 predmeta - priprema za parnicu (Pr).



Prema vrsti predmeta, tj. predmetu spora i postupaka shodno odredbama Pravilnika o poslovanju i vođenju evidencije u Pravobranilaštvu Kantona Sarajevo ("Sl. novine Kantona Sarajevo", broj 17/08) u kojima se Pravobranilaštvo pojavljuje kao zakonski zastupnik organa koje zastupa za period od 01.01.2022.–31.12.2022.godine, tabelarni pregled izgleda kako slijedi:

Vrsta Predmeta	Prenešeno iz ranijih godina	Primljeno u 2022.g	Ukupno u radu 2022.g	Riješeno u 2022.g	U radu sud-a ili organ-a uprave	Postotak rješenosti
"P" (parnični)	1.743	193	1.936	432	1.504	22,32 %
"I" (izvršni)	4.009	777	4.786	356	4.430	7,44 %
"It" (izvršni postupak za sudsku taksu)	3.025	2.087	5.112	1.623	3.478	31,75 %
"Rv" (vanparnični)	9	4	13	2	11	15,39 %
"M" (mišljenja)	41	278	319	275	46	86,21 %
"Pr" (priprema)	76	55	131	41	90	31,30 %
"Us" (upravni spor)	21	1	22	3	19	13,64 %
"U" (upravni postupak)	40	50	90	34	56	37,78 %
"Um" (mišlj. čl.16.ZOGZ)	12	18	30	10	20	33,34 %
"Pk" (interni spisi)	0	342	342	342	0	100 %
"Su" (stambeni)	0	15	15	15	0	100%
<b>UKUPNO</b>	<b>8.976</b>	<b>3.820</b>	<b>12.796</b>	<b>3.133</b>	<b>9.654</b>	<b>24,49%</b>

Napomene radi, ukupan postotak rješenosti predmeta u 2022.godini kao što prozilazi iz prikazane tabele zavisi isključivo od Sud-a odnosno organa Uprave koji vodi svaki poseban predmet.

## PODACI O KRETANJU PREDMETA

Pravobranilaštvo je tokom izvještajne godine imalo visok broj ulazne i izlazne pošte. Tabelarni pregled iste, omogućava nam određeni uvid u kretanje spisa po mjesecima u izvještajnom periodu, odnosno obimu poslova i zadataka koje je ovo Pravobranilaštvo obnašalo u protekloj godini, posebno ističući da Pravobranilaštvo ima određen broj sistematizovanih, a nepopunjenih radnih mjesta, te da je jedna od zamjenica pravobranioca bila na porodiljskom odsustvu.



## PARNIČNI POSTUPAK "P"

Parnični postupci su najsloženiji sudski postupci u kojem se rješavaju sporni odnosi, u kojima se od stranaka koje učestvuju u postupku zahtijeva visok stepen znanja i angažovanja. Parnični postupak predstavlja redovan put zaštite povreda prava proisteklih iz radno pravnih odnosa, građansko pravnih odnosa subjekata prava, kao i odnosa sa javnom vlasti. Parnični postupci se pokreću tužbom. Parnične stranke u postupku su tužitelj i tuženi, te se u parnici kao treće lice mogu pojaviti i umješaci kada isti učestvuju na strani jedne parnične stranke i žele da parnična stranka uspije u sporu. Kanton Sarajevo koji zastupa Pravobranilaštvo u sudskim postupcima učestvuje u svojstvu tužitelja, svojstvu tuženog ili u svojstvu umješaca.

Zabilježen je rast predmeta u 2022. godini u kojima se Pravobranilaštvo Kantona Sarajevo pojavljuje na strani tužitelja ili tužene u svojstvu umješaca a sve u cilju uspjeha stranke u postupku na čijoj strani se mješa Pravobranilaštvo.

Posebno ukazujemo na mješanje u parnicama za određivanje visine naknade za zemljišta u vodozaštitnim zonama na strani tuženog KJKP Vodovod i kanalizacija kojih postupaka ima više od deset trenutno i čije vrijednosti se kreću od 1.miliona pa do 10.miliona

konvertibilnih maraka po jednom predmetu u zavisnosti od broja tužitelja i veličine njihovih suvlasničkih dijelova.


Imajući u vidu složenosti postupaka kao i vrijednosti sporova koje u konačnici opterećuju budžet Kantona Sarajevo, Pravobranilaštvo se osnovano mješa u postupke osporavajući tužbene zahtjeve iako je poznato da po identičnom činjenično pravnom osnovu postoje pravosnažne sudske odluke Kantonalnog i Vrhovnog suda Federacije BiH kojim je KJKP Vodovod i kanalizacija obavezna na plaćanje iznosa naknade radi faktičke eksproprijacije preko 5.miliona maraka, koji iznos je isplaćen fizičkim licima i o čemu je detaljnije bilo govora u ranijim izvještajima ovog organa.

Po ovom pitanju održali smo u 2022.godini veliki broj sastanaka, uputili smo veliki broj akata i zahtjeva mnogim institucijama, počev od matične općine Ilidža gdje se sporne nekretnine nalaze, Zavoda za izgradnju KS, Historijskog arhiva zatim općine Istočna Ilidža i svih drugih relevantnih institucija koje bi eventualno mogle imati saznanja ili dokaze da li je u periodu od donošenja Odluke o zaštiti izvorišta vode za piće u Sarajevskom polju 1987 godine u cijelosti proveden Program zaštite izvorišta vode za piće u Sarajevskom polju, odnosno da li je konkretno tužiteljima isplaćena naknada za zemljište koje je predmet tužbenih zahtjeva. Svakodnevno smo komunicirali telefonski i putem maila sa punomoćnicima KJKP Vodovod i kanalizacija po ovom pitanju.

Trenutno ovo smatramo jednim od najvažnijih i najaktuelnijih problema i pitanja koja trebaju da se riješe u što skorije vrijeme upravo radi visine tužbenih zahtjeva kao zakonskih zateznih kamata u vezi sa potraživanjima, a koje u konačnici opterećuju budžet Kantona.

U ovom izvještajnom periodu bilo je ukupno u radu 1.936 parničnih predmeta, od kojih je 1.743 predmeta kao nezavršenih preneseno iz prethodnih godina. U 2022. godini je evidentirano 193 novih predmeta. Nesrazmjer između prenesenih predmeta iz ranijih godina i novozaprimljenih predmeta jeste posljedica dugotrajnog vođenja postupaka pred sudovima. Pod predmetima koji su preneseni iz ranijeg perioda između ostalih su i predmeti koji su po uvaženim žalbama Pravobranilaštva ukinuti pred drugostepenim sudom i vraćeni na ponovni postupak.


### Grafički prikaz "P" predmeta u 2022. godini




U 2022.godini pravosnažno su okončane 432 parnice i to: 68 sa pozitivnim ishodom, 336 parnica sa negativnim ishodom i 28 parnica okončane su na drugi način. Razlozi negativnih ishoda parnica iz radnih odnosa su identični za sve vrste potraživanja razlika plaća u prethodnom periodu. Neusklađenost propisa, tačnije smanjenja plaća suprotno

imperativnim zakonskim propisima, dovela su do negativnih posljedica u vidu gubljenja parnica. Važno je istaći da su gubici uvećani za troškove sudskog postupka, nalaze vještaka u postupcima i zakonske zatezne kamate. Na naprijed navedene posljedice i negativne ishode po budžet Kantona Sarajevo, Pravobranilaštvo je ukazivalo više puta.

Postotak riješenosti (%)



432 okončane parnice



Po vrsti i predmetu spora, najveći broj postupaka odnosi se na predmete po osnovu:

- radni sporovi, posebni dodatak na plaću i druga potraživanja iz radno-pravnog odnosa
- sporovi obligaciono-pravne prirode radi duga iz obligacionih odnosa, po osnovu koncesija, kredita i dr
- naknada šteta- materijalne i nematerijalne zbog povreda nanesenih ujedom pasa i drugih razloga, oštećenje imovine usljed neodržavanja saobraćajnica kao i drugi vidovi odštetnih zahtjeva
- utvrđenja imovinsko-pravnih odnosa (prava vlasništva, utvrđivanje obaveza nastalih usljed neriješenih imovinsko-pravnih odnosa i sl.

## ZNAČAJNIJE PARNICE U 2022. GODINI

### Značajnije parnice iz oblasti radno-pravnih sporova

Smatramo da je određene radne sporove navedne u okviru ovog odjeljaka izvještaja značajno spomenuti iako vrijednost spora u novčanom smislu nije značajna. Naime, priroda određenih sporova – utvrđivanje diskriminacije koja je navodno počinjena od strane Vlade KS i predstavnika sudskih i organa uprave, te moguće posljedice u socijalnom smislu u slučaju donošenja presuda kojim bi se tužbeni zahtjevi usvojili tj. sud utvrdio da je došlo do diskriminacije, kako to tužitelji tvrde, daje poseban značaj ovim predmetima. Ono po čemu se navedeni predmeti također ističu je izuzetna obimnost predmeta, konkretno dokaznog materijala, koja iziskuje značajno vrijeme koje je utrošeno za pregled i analizu istih.

Nove tužbe namještenika uposlenih u upravnim organima i uposlenika pravosudnih institucija (namještenici, sudije i tužioci) u Kantonu Sarajevo su obilježile 2022. godinu. Kada su u pitanju predmetne tužbe navedenih uposlenika, tužbeni zahtjevi se temelje pretežno na dva osnova. Prvi osnov je potraživanje razlike plaće namještenika po osnovu posebnih uslova rada. Drugi osnov se odnosi na razliku plaća nastalih usljed pripravnosti na radu, koja je propisana Kolektivnim Ugovorom za službenike organa uprave i sudske vlasti.

Tužbeni zahtjevi tužilaca odnose se na razliku plaća ostvarenih na osnovu prekovremenih sati na ime dežura. Naime, tužioci pored redovnog radnog vremena obavljaju i obavezne 24 satne dežure zbog čega smatraju tužbene zahtjeve osnovanim.

Značajniji predmeti iz oblasti radno pravnih odnosa predstavljeni su u tabeli koja slijedi.

Red. br.	Broj pred.	TUŽITELJ	TUŽENI	TUŽBENI ZAHTEJV	VRIJEDNOST SPORA	FAZA POSTUPKA
1.	P-106/21	IN d.o.o. Sarajevo	Kanton Sarajevo	Utvrđenje diskriminacije u postupanju sudija Općinskog suda u Sarajevu	100.000,00 KM	Donesena presuda kojom je odbijen tužbeni zahtjev u cjelosti.
2.	P-129/17	1. Demić Enisa 2. Dedović Miralem	1. Kanton Sarajevo Ministarstvo za rad, socijalnu politiku, raseljena lica i izbjeglice KS 2. Amela Dautbegović	Utvrđenje vršenja diskriminacije po pitanju radnih uslova	Nije izražena novčana vrijednost. Ista će biti naznačena nakon provedenog vještačenja.	Donesena presuda kojom je odbijen tužbeni zahtjev u cjelosti. U toku je žalbeni postupak po žalbi tužitelja.
3.	P-2/22	Katana Sakib	Kanton Sarajevo, Vlada Kantona Sarajevo, Zavod zdravstvenog osiguranja	Utvrđenje nezakonitosti rješenja o razrješenju i njegovo poništenje	10.000,00 KM	Donesena presuda kojom je odbijen tužbeni zahtjev.
4.	P - 159/19	Timur Gadžo	1. Kanton Sarajevo, Vlada KS, Premijer KS 2. Vlada Federacije BiH, Odbor državne	Poništenje rješenja o imenovanju i razrješenju direktora Zavoda za informatiku i	5.001,00 KM	Odluka o dopustivosti Ustavnog suda BiH kojom se odbacuje kao nedopušten

			službe za žalbe FBiH	statistiku		zahtjev Općinskog suda u Sarajevu za ocjenu kompatibilnost i pojedinih odredbi Zakona o državnoj službi
5.	P-116/22	Bahtanović Almedin	1. Kanton Sarajevo, Ministarstvo unutrašnjih poslova, Uprava policije 2. Kanton Sarajevo, Policijski odbor	Utvrđenje nezakonitosti rješenja i njihovo poništenje, te utvrđenje diskriminacije (mobing)	4.500,00 KM	U toku
6.	P - 136/22	Emir Hadžihafizbe gović	Kanton Sarajevo, Vlada KS, JU Kamerni teatar 55 Sarajevo	Zaštita prava iz radnog odnosa i određivanje sudske mjere osiguranja	30.001,00 KM	Doneseno Rješenje kojim se prijedlog za određivanje mjere osiguranja odbija. Predmet je u fazi odlučivanja po žalbi pred Kantonalnim sudom.
7.	P - 7/19	Peljto Samir	1. Kanton Sarajevo, Ministarstvo finansija 2. Halebić Jasmin	Utvrđivanje diskriminacije i mobinga	30.000,00 KM	U toku
8.	P - 12/21	Amna Mutapčić	1. Kanton Sarajevo, Ministarstvo pravde i uprave 2. Federacija BiH	Utvrđivanje i otklanjanje diskriminacije	5.100,00 KM	Okončan postupak po prijedlogu tužiteljice za određivanje mjere osiguranja na način da je isti odbijen. U

						toku postupak po tužbi.
9.	P - 541/13	Kurtović Salem	Kanton Sarajevo, Vlada KS, Ministarstvo unutrašnjih poslova	Poništenje postupka unaprjeđenja policijskih službenika	5.100,00 KM	Prijedlog umješaka za ponavljanje postupka odbačen. U toku odlučivanje po apelaciji Pravobranilaštva.

### Značajnije parnice iz oblasti obligaciono-pravnih sporova – naknada štete

Kao i svake godine i u 2022.godini, Pravobranilaštvo je od organa uprave zaprimilo zahtjeve sa pratećom dokumentacijom za pokretanje parničnih postupaka za nakandu štete nastale po različitim osnovama. S druge strane zaprimali smo tužbe u kojima je Kanton tužen po istom osnovu. U tabeli ispod predstavljene su najznačajnije parnice po osnovu naknade štete koje su zaprimljene, u toku su ili su pak okončane u predstojećoj godini.

Re d. br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.	P- 159/11	Miloš Terzić	Kanton Sarajevo, Direkcija za puteve KS	Naknada štete	277.000,00 KM	Uložena revizija Vrhovnom sudu FBiH po kojoj još nije odlučeno.
2.	P- 272/12	BOSS-Bosanska stranka	Kanton Sarajevo	Naknada štete	358.893,50 KM	Okončan – odbijen tužbeni zahtjev u cjelosti.
3.	P- 146/20	Midhat Hubijar	1. Kanton Sarajevo, Ministarstvo privrede, 2. Kanton Sarajevo, Vlada KS 3. Turistička zajednica KS	Naknada štete	69.272,69 KM	Donesena presuda kojom se tužbeni zahtjev u cijelosti odbija.



						U fazi odlučivanja po žalbi tužitelja.
4.	P-112/20	Kasapović Elma	1. Kanton Sarajevo 2. KJKP RAD d.o.o. Sarajevo	Naknada štete	100.000,00 KM	U toku
5.	P-58/22	Kanton Sarajevo, Ministarstvo unutrašnjih poslova	"Danial S" d.o.o. Tešanj	Radi raskida ugovora i povrata uplaćenih sredstava	861.301,35 KM	U toku
6.	P-20/21	SINKRO d.o.o. Sarajevo	Kanton Sarajevo, Ministarstvo privrede	Naknada štete po osnovu izmakle koristi	50.001,00 KM	Donesena presuda kojom je tužbeni zahtjev odbijen. U toku je žalbeni postupak po žalbi tužitelja.
7.	P-551/15	Grad Sarajevo	Kanton Sarajevo	Isplata duga	4.505.452,00 KM	Vrhovni sud FBiH donio presudu kojom je odbio reviziju tužitelja.
8.	P-178/19	Hodžić Abid	Kanton Sarajevo	Naknada štete	170.521,40 KM	Donesena presuda kojom je tužbeni zahtjev u cjelosti odbijen. U fazi odlučivanja po žalbi tužitelja.
9.	P-133/19	Žuti taxi d.o.o.	Kanton Sarajevo, Ministarstvo saobraćaja	Naknada štete	3.672.626,85 KM	Presudom je tužbeni zahtjev odbijen u cjelosti. U fazi odlučivanja po žalbi tužitelja.

10.	P-4/20	Farmacop d.o.o.	1. Direkcija za robne rezerve KS 2. Kanton Sarajevo	Naknada štete zbog neispunjenja ugovora	11.000,00KM	U toku
11.	P-657/16	Općina Ilidža	Kanton Sarajevo, Ministarstvo za boračka pitanja	Isplata dospjelog potraživanja	120.552,75 KM	Okončan – tužbeni zahtjev odbijen u cjelosti.
12.	P-410/20	Farkić Boris	1. Kanton Sarajevo 2. VSTV	Naknada štete	274.000,00 KM	Apelaciono vijeće Suda BiH potvrdilo je odluku kojom se tužbeni zahtjev odbija u cjelosti.
13.	P-54/19	Krajinović Zlatko, Kanton Sarajevo - umješać	1. Općina Stari Grad 2. Abdagić Mensur	Utvrđivanje ništavosti zaključenih ugovora o iznajmljivanju parking prostora	/	Prvostepeno m presudom tužbeni zahtjev usvojen u cjelosti.
14.	P-119/19	SAS Security	1. Kanton Sarajevo 2. Sarabon d.d. u stečaju	Naknada štete	297.334,19 KM	Prvostepeno m presudom tužbeni zahtjev odbijen u cjelosti.
15.	P-192/22	Direkcija za puteve KS	Europlakat BH d.o.o. Sarajevo	Bespravno korištenje i naknada štete	1.526.118,00 KM	U fazi zakazivanja pripremnog ročišta

### **Predmeti u kojim Kanton Sarajevo potražuje isplatu duga na ime koncesione naknade za eksploataciju**

Pravobranilaštvo Kantona Sarajevo pred Općinskim i Kantonalnim sudom u Sarajevu vodi parnice u vezi sa potraživanjima na ime eksploatacije građevinskog kamena i eksploatacije vode.

U većini predmeta ove vrste pravni osnov za utuženje je bila Odluka o naknadi za eksploataciju vode na području Kantona Sarajevo (Sl.novine Kantona broj 29/12), koja je

početkom 2018. godine stavljena van snage. Riječ je, dakle, o koncesionarima sa kojima Koncesor nije imao zaključen ugovor.

Podsjećanja radi, prema definiciji koncesija predstavlja davanje prava na korištenje prirodnih bogatstava, dobara u općoj upotrebi ili obavljanje djelatnosti od općeg interesa, koje nadležni kantonalni organi (koncesor) dodjeljuje na određeno vrijeme, uz plaćanje koncesione naknade, domaćem ili stranom pravnom ili fizičkom licu registrovanom za obavljanje privredne djelatnosti (koncesionar), pod uslovima propisanim Zakonom.

Red. br.	Broj pred.	TUŽITELJ	TUŽENI	TUŽBENI ZAHTEJ	VRIJEDNOST SPORA	FAZA POSTUPKA
1.	1. P-522/16	Kanton Sarajevo	"Hoteli Ilidža" d.d. Ilidža	Naknada za eksploatisanu vodu	626.630,59 KM	U toku drugostepeni postupak po žalbi tužitelja
2.	P-672/15	Kanton Sarajevo	Srednjobosanski kanton	Naknada za eksploataciju dolomita	411.039,00 KM	U toku postupak pred Vrhovnim sudom FBiH po reviziji tuženog
3.	P-422/13	Kanton Sarajevo, Ministarstvo privrede KS	"Coca Cola B-H" d.o.o. Sarajevo	Naknada za eksploatisanu vodu	358.557,00 KM	Presudom Vrhovnog suda FBiH odbijena revizija tuženog.
4.	P-70/18	Kanton Sarajevo	Hoteli Ilidža	Naknada za eksploatisanu vodu	411.892,78 KM	Donesena presuda kojom je tužbeni zahtjev tužitelja u cjelosti usvojen.
5.	P-364/15	Kanton Sarajevo	Termalna rivijera Ilidža	Naknada za eksploatisanu vodu	815.751,00 KM	Pravosnažna presuda kojom je tužbeni zahtjev usvojen u cjelosti. Zaključen Sporazum o

						odgođenom plaćanju na pet godina.
--	--	--	--	--	--	-----------------------------------

### Značajniji postupci iz oblasti imovinsko-pravnih odnosa

Među najznačajnijim postupcima iz ove oblasti smatramo da su utvrđivanja prava vlasništva, bilo da se Kanton Sarajevo nalazi na strani tužitelja ili na suprotnoj strani.

Riječ je dakle o postupcima u kojima se zasigurno provodi najveći broj dokaza, postupci koji imaju gotovo uvijek velike vrijednosti pa im se iz tih razloga posvećuje najviše vremena, energije i znanja. U slijedećoj tabeli prikazani su najznačajniji postupci iz ove oblasti.

Red. br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.	P-321/11	Šetkić Asim i drugi	KJKP "Tržnice pijace" d.o.o. Sarajevo - Umješač: Kanton Sarajevo, Ministarstvo prostornog uređenja KS	Utvrđenje upisa internih dionica tuženog	4.885.186,68 KM	Prekid postupka do okončanja upravnog postupka.
2.	P-417/15	Ahmić Omer i drugi	1.KJKP "Tržnice pijace" d.o.o. Sarajevo, 2.Grad Sarajevo, 3.Kanton Sarajevo	Utvrđenje suvlasništva privatnog kapitala Prvotuženog	4.885.186,68 KM	Okončan – žalba tužitelja odbijena i prvostepeno rješenje potvrđeno.
3.	P-152/18	Rašidović Enisa i drugi	1.KJKP "Tržnice pijace" d.o.o. Sarajevo, 2.Kanton Sarajevo	Utvrđenje upisa dionica u sudski registar	4.885.186,68 KM	Prekinut postupak do okončanja upravnog postupka – U toku odlučivanje po žalbi tužitelja
4.	P-14/21	Općina Hadžići	KJP Sarajevo-šume d.o.o.	Utvrđenje prava	50.100,00 KM	Donesena presuda

			Umješač: Kanton Sarajevo	vlasništva		kojom je tužbeni zahtjev odbijen.
5.	P-966/12	AD RUBIN	Kanton Sarajevo, Ministarstvo privrede	Radi smetanja posjeda	257.897,15 KM	Presudom Vrhovnog suda FBiH odbijena revizija tužitelja.
6.	P-80/17	Kanton Sarajevo	Savez izviđača FBiH	Utvrđenje prava vlasništva	31.000,00 KM	U toku postupak pred Vrhovnim sudom FBiH po reviziji tužitelja.
7.	P-57/22	Edhem Zejnilović i dr.	1. Sarajevostan d.d. 2. Kanton Sarajevo	Utvrđenje prava vlasništva	500,00 KM	U fazi zakazivanja pripremnog ročišta

## IZVRŠNI POSTUPAK

U 2022. godini u radu je evidentirano 4.786 izvršnih predmeta, od kojih je u 2022. godini zaprimljeno 777, a prenesno je iz ranijih godina 4.009 predmeta. Od ukupnog broja predmeta u 2022. godini okončano je 356, a u radu je ostalo 4.430 predmeta, sve kao u slijedećem tabelarnom pregledu.

Vrsta Predmeta	Prenešeno iz ranijih godina	Primljeno u 2022.g.	Ukupno u radu 2022.g.	Riješeno u 2022.g.	U radu sud organ uprave	Postotak riješenosti
"I" (izvršni)	4.009	777	4.786	356	4.430	7,44 %

U izvršnim postupcima Kanton Sarajevo se pojavljuje kao izvršenik ili kao tražilac izvršenja. U izvršnim postupcima u kojima se Kanton Sarajevo pojavljuje kao izvršenik, tražioci izvršenja su tužitelji u predmetima u kojima je pravomoćnim presudama obavezan Kanton Sarajevo na isplatu određenog novčanog iznosa (u većini slučajeva radi se o

predmetima iz radnih odnosa) i kojima se na osnovu pravomoćnih i izvršnih presuda predlaže prinudna naplata.

Pravobranilaštvo je u svim predmetima u kojima je donesena pravomoćna i izvršna presuda u korist Kantona Sarajevo i kojima su tuženi obavezani da Kantonu Sarajevo isplate određene novčane iznose, pokrenulo izvršne postupke radi prinudnog namirenja.

Ističemo da je Pravobranilaštvo Kantona Sarajevo, na osnovu Presude Općinskog suda u Sarajevu, pokrenulo izvršni postupak protiv društva "BAGS-ENERGOTEHNIKA" d.d. Vogošća, radi naplate duga u iznosu od 4.186.609,50 KM, sa zakonskom zateznom kamatom i troškovima postupka, o čemu smo detaljno pisali u Izvještaju za 2021.godinu.

Imajući u vidu da su u međuvremenu brisane hipoteke sa nekretnina izvršenika, to je ovo Pravobranilaštvo u 2022.godini promijenilo predmet i sredstvo izvršenja sa transakcijskih računa na nekretnine izvršenika, a sve u cilju obezbjeđenja naplate potraživanja proizašlih iz pravosnažne sudske odluke.

Izvršni predmet po pitanju naplate sredstava koji je najznačajniji u 2022.godine je svakako Sporazum o isplati duga na rate zaključen između pravnog lica "Termalna rivijera Ilidža" d.o.o. Sarajevo i Kantona Sarajevo.

Naime, pravosnažnom presudom od 17.03.2022.godine obavezano je pravno lice na isplatu duga na ime eksploatacije vode na iznos od 815.751,00 KM sa zakonskom zateznom kamatom (738.320,56 KM) i naknadu troškova sudskog postupka 4.260,00 KM. Zaključenim Sporazumom obavezano je navedno pravno lice na mjesečne uplate od po 25.973,98 KM na period od pet (5) godina na ime glavnice i zakonskih zatezних kamata sa početkom otplate 01.01.2023.godine. Navedni Sporazum obezbjeđen je bankovnom garancijom. Ukupna vrijednost Sporazuma je 1.558.438,56 KM.

## **IZVRŠNI POSTUPAK ZA NAPLATU SUDSKE TAKSE**

### **PRINUDNA NAPLATA SUDSKE TAKSE**

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.

Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje svakodnevno zaprimamo od Općinskog suda u Sarajevu. Složenost istih se posebno ogleda u tome da su nerjetko takseni obveznici strani državljanima što iziskuje dodatno više vremena na pronalaženju i identifikaciji istih, zatim utvrđivanju osnova njihovih primanja a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana suma koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama.


Ukupno u radu za 2022. godinu bilo je 5.112 predmeta, iz ranijih godina je preneseno 3.025, a zaprimljeno je 2.087 novih predmeta. U 2022. godini podneseno je 682 prijedloga za izvršenje u ukupnoj vrijednosti od 907.567,00 KM, a arhivirano je 1.623 predmeta.

Značajan broj predmeta naplaćen je pismenim opomenama pred pokretanje izvršnih postupka u kojim slučajevima smo izbjegli bespotrebne troškove.

Vrsta Predmeta	Prenešeno iz ranijih godina	Primljeno u 2022.g.	Ukupno u radu 2022.g.	Riješeno u 2022.g.	U radu sud organ uprave	Postotak riješenosti
"It" (izvršni postupak za sudsku taksu)	3.025	2.087	5.112	1.623	3.478	31,75 %

Prepreke na koje Pravobranilaštvo u ovim predmetima nailazi ogledaju se u tome da se u svakom predmetu radi identifikacija dužnika stvara potreba vršenja uvida u sudske spise, zatim pribaviti klauzule pravomoćnosti i izvršnosti, te posebno pribavljanje informacija o posjedovanju pokretne ili nepokretne imovine, odnosno podataka o primanjima dužnika.

Ovom prilikom želimo ukazati na činjenicu da bi ažurnije rješavanje ovih predmeta od strane suda dovelo do efikasnije naplate sudske takse. Trenutno je na sudu u radu 1.049 predmeta sudske takse. Iz naprijed navedenih razloga dolazi do otežane naplate sudske takse, što se odražava na Budžet Kantona Sarajevo.




Iz navedene evidencije, vidljivo je da je vršena uplata predmetnih novčanih sredstava na račun Kantona Sarajevo, a vrijednost koja je uplaćena na ime sudske takse za 2022. godinu iznosi 667.581,81 KM do sada je najznačajnija.

## NAPLATA TROŠKOVA PARNIČNOG I IZVRŠNOG POSTUPKA KAO JAKO VAŽNA KARIKA U RADU PRAVOBRANILAŠTVA U 2022.GODINI

Prethodnim izvještajima ukazali smo na prednost izmjena i dopuna Zakona o parničnom postupku, u dijelu koji se odnosi na troškove koji pripadaju stranci koju zastupa Pravobranilaštvo, i to u pogledu naknade troškova postupka kada je u pitanju zastupanje stranaka od strane Pravobranilaštva. Za radnje preduzete pred sudom nakon 01.01.2016. godine Pravobranilaštvo Kantona Sarajevo ima pravo i obavezu da potražuje troškove zastupanja u skladu sa važećom Tarifom o nagradama i naknadi troškova za rad advokata u Federaciji BiH. Radi lakše i preglednije evidencije naplaćenih sudskih troškova obratili smo se Ministarstvu finansija Kantona Sarajevo, kako bi se u cilju prednje navednog otvorila nova vrsta prihoda kao i budžetska organizacija namijenjena isključivo za naprijed navedenu svrhu. S tim u vezi, Ministarstvo finansija je dana 28.08.2017.godine dostavilo akt sa jasnim instrukcijama vezanim za uplatu sudskih troškova. Važno je istaći da prema dostavljenim evidencijama Ministarstva finansija naplaćeni sudski troškovi za 2022.godinu iznose 98.982,16 KM.

Ostvarujući ovako zapažene finasijske rezultate smatramo da posebna stavka „naplata troškova“ zavređuje pažnju, te je zbog navedenog razloga detaljno izvještajem o radu i opisujemo. Iznos na ime naknade troškova za jednu godinu u visini od 98.982,16 KM, pored sudskih такси (naplaćeni iznos od 667.581,81 KM) nije zanemariv kada se uzme u obzir nadležnost i funkcija Pravobranilaštva, a to je prvenstveno zaštita imovinsko pravnih interesa u postupcima zastupanja pred sudom.

Sljedećim grafikonom prikazani su naplaćeni sudski troškovi.





## PРАВНА МИШЛJENJA

Shodno članu 15. Stav 2. Zakona o pravobranilaštvu, organi i organizacije Kantona Sarajevo, čije interese zastupa ovo Pravobranilaštvo, dužni su pribaviti pravno mišljenje Pravobranilaštva, prije zaključenja ugovora o kupoprodaji, zamjeni, zakupu, prenosu na privremeno ili trajno korištenje i raspolaganje stvari uz naknadu ili bez naknade, ugovora o koncesiji, ugovora o građenju, kao i drugih ugovora kojima se pribavljaju stvari ili se raspolaže imovinom Kantona. Pravobranilaštvo u skladu sa Uredbom o postupku i načinu pripremanja, izrade i dostavljanja propisa daje mišljenja na nacрте zakona kojima se regulišu imovinsko – pravna pitanja.

U 2022. godini Pravobranilaštvo je dalo značajan broj pravnih mišljenja što je vidljivo iz tabelarnog prikaza, ali svakako napominjemo da se radi o poslovima koji iziskuju jako puno vremena i stručnosti i čija važnost nije manja od naprijed navedenih predmeta u kojima Pravobranilaštvo vrši zastupanje. Pravobranilaštvo cijeni da adekvatno i stručno dato prethodno mišljenje na dostavljeni prijedlog ugovora imovinsko-pravne prirode u značajnoj mjeri doprinosi zaštiti imovine i imovinskopravnih interesa Kantona Sarajevo, pa samim tim ishodu eventualne parnice.

Značajnim za istaći smatramo i aktivno učešće ovog Pravobranilaštva na implementaciji projekta "Devete transversale" koje se ogleda kako kroz postupanje u davanju mišljenja na nacрте Ugovora, tako i kroz pružanje stručne pravne pomoći kroz višednevne sastanka, konzultacije a sve u cilju najadekvatnije zaštite imovine Kantona.

U izvještajnom periodu, kao i u prethodnim godinama, bio je značajan broj predmeta u radu Pravobranilaštva, koji se odnose na davanje mišljenja na Sporazume koji zaključuju Kantona Sarajevo i njegovi organa sa drugim nivoima vlasti, te domaćim I međunarodnim pravnim licima, a u cilju realizacije projekata značajnih za Kanton Sarajevo kao I njegove građane.

Tabelarni prikaz prikazuje broj datih mišljenja te postotak njihove riješenosti.

Vrsta Predmeta	Prenešeno iz ranijih godina	Primljeno u 2022.g.	Ukupno u radu 2022.g.	Riješeno u 2022.g.	U radu sud organ uprave	Postotak riješenosti
"M" (mišljenja)	41	278	319	275	46	86,21%

## VANSUDSKE NAGODBE

U izvještajnom period Pravobranilaštvo je poduzimalo značajne aktivnosti u postupcima zaključenja ugovora o vansudskoj nagodbi sa zaposlenicima organa i institucija Kantona Sarajevo kojima su pravomoćnim i izvršnim sudskim odlukama dosuđena neisplaćena potraživanja iz radnog odnosa.

U postupku izvršenja planiranih budžetskih sredstava kroz zaključenje vansudskih nagodbi sa zaposlenicima organa i institucija Kantona Sarajevo kojima su pravomoćnom i izvršnom sudskom odlukom dosuđena potraživanja iz radnog odnosa Pravobranilaštvo Kantona Sarajevo je preduzelo niz pripremnih radnji (prisustva sastancima sa predstavnicima Ministarstva finansija, Ministarstva pravde i uprave Kantona Sarajevo i Službe za zajedničke poslove Kantona Sarajevo, izrade nacrtu Ugovora o vansudskoj nagodbi, izrade nacrtu ugovora o vansudskoj nagodbi itd.) i daljih aktivnosti koji su rezultirali zaključenjem Ugovora o vansudskoj nagodbi u velikom broju i značajnom uštedom budžetskih sredstava.

Vlada Kantona Sarajevo je u novembru 2021. godine objavila poziv zaposlenicima organa i institucija Kantona Sarajevo/njihovim punomoćnicima advokatima za zaključenje Ugovora o vansudskoj nagodbi.

Po gore navedenom pozivu javio se neočekivano veliki broj zainteresiranih lica kako na zaključenje Ugovora o vansudskoj nagodbi te je sveukupno zaprimljeno 2057 Ugovora o vansudskoj nagodbi, čija realizacija je okončana u 2022.godini prema ustaljenim procedurama iz ranijih godina.

### STAMBENI PREDMETI

Kada je u pitanju segment djelovanja u vezi realizacije imovinskih zakona, ovaj organ je dao izuzetan doprinos u privatizaciji stambenog fonda, odnosno u realizaciji Zakona o prodaji stanova na kojima postoji stanarsko pravo tj. kroz postupanje u vezi ovlaštenja Pravobranilaštva koja su proizilazila iz člana 29. citiranog Zakona, a odnose se na kontrolu utvrđenja cijene stana u ugovoru.

Naprijed smo iskazali tabelarno broj iskontrolisanih ugovora o otkupu stanova, u skladu sa Zakonom o prodaji stanova na kojima postoji stanarsko pravo ("Sl. novine F BiH", broj 29/97, sa izmjenama), te u skladu sa Zakonom o vraćanju, dodjeli i prodaji stanova ("Sl. novine F BiH", broj 25/05 i 2/08).

Vrsta Predmeta	Prenešeno iz ranijih godina	Primljeno u 2022.g	Ukupno u radu 2022.g	Riješeno u 2022.g	U radu sud organ uprave	Postotak riješenosti
----------------	-----------------------------	--------------------	----------------------	-------------------	-------------------------	----------------------

"Su" (stambeni)	0	15	15	15	0	100,00%
-----------------	---	----	----	----	---	---------

### PREDMETI U PRIPREMI

Riječ je o predmetima u kojima zahtjeve za postupanje dobijamo od organa koje zastupamo u postupcima, shodno odredbama Zakona o pravobranilaštvu. Naime, u vezi sa svim vrstama pravnih pitanja, nedoumica u vezi sa pokretanjem parničnih postupaka, kao i u ostalim pravnim pitanjima o kojima se organi uprave obraćaju upitom, Pravobranilaštvo otvara predmete pripreme pred parnicu. U tim predmetima prikupljamo

potrebne informacije i dokaze, te na temelju istih procijenjujemo i odlučujemo o neophodnim koracima, odnosno da li ćemo u konkretnom slučaju pokrenuti neki od postupaka pred sudom.

Vrsta Predmeta	Prenešeno iz ranijih godina	Primljeno u 2022.g.	Ukupno u radu 2022.g.	Riješeno u 2022.g.	U radu sud-a, organ-a uprave	Postotak riješenosti
----------------	-----------------------------	---------------------	-----------------------	--------------------	------------------------------	----------------------

"Pr" (priprema)	76	55	131	41	90	31,30%
--------------------	----	----	-----	----	----	--------

## IZVJEŠTAJ O JAVNIM NABAVKAMA

za period od 01.01.2022. - 31.12.2022. godine

Pravobranilaštvo Kantona Sarajevo u 2022. godini provodilo je javne nabavke u skladu sa Zakonom o javnim nabavkama (Sl.novine BiH br.39/14 i 59/22). Tom prilikom ugovoreni organ provodio je postupke Direktnog sporazuma u skladu sa članom 87. i 90. Zakona o javnim nabavkama i Pravilnikom o postupku direktnog sporazuma Pravobranilaštva Kantona Sarajevo vodeći računa o sredstvima koja su mu odobrena u Budžetu.

Član 87. Zakona o javnim nabavkama definiše da je direktni sporazum jedan od tzv. postupaka za dodjelu ugovora male vrijednosti.

Ugovorni organ provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000 KM bez poreza na dodanu vrijednost.

Pravilnikom o postupku direktnog sporazuma je propisana procedura za provođenje postupka nabavke putem direktnog sporazuma i definisano da se direktni sporazum smatra zaključenim:

- kod nabavki čija je vrijednost do 1.000 KM prilaganjem računa ili druge odgovarajuće dokumentacije;
- kod nabavki čija je vrijednost veća od 1.000 KM ugovorni organ je dužan zaključiti ugovor.

Direktni sporazum je članom 90. Zakona o javnim nabavkama definisan kao postupak u kojem ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačan sporazum.

Izveštajem su obuhvaćene aktivnosti prema predmetu nabavke, vrsti postupka, vrijednosti ugovora, izbora dobavljača za dodjelu ugovora (ekonomski najpovoljnija ponuda).

U sljedećoj tabeli detaljno su prikazane sve javne nabavke koje je u izvještajnom periodu provelo ovo Pravobranilaštvo

**IZVJEŠTAJ O REALIZACIJI JAVNIH NABAVKI**

R.br.	Opis nabavke	Oznaka JRJN	Vrsta postupka	Podaci o dobavljaču	Vrijednost ugovora bez PDV-a	Datum zaključenja ugovora
1.	Nabavka kancelarijskog materijala	301920 00-1	D	EVROBIH d.o.o.	4.900,13	04.01.2022.
2.	Nabavka higijenskog materijala	398300 00-9	D	EUROTREND d.o.o.	1.989,10	04.01.2022.
3.	Najam printera	798100 00-5	D	RACIONAL d.o.o.	3.000,00	04.01.2022.
4.	Usluge pranja vozila	501123 00-6	D	AUTODELTA d.o.o.	400,00	10.01.2022.
5.	Usluge servisa službenog vozila	501000 00-6	D	AUTO SIMANIĆ d.o.o.	2.500,00	10.01.2022.
6.	Kolektivno osiguranje	665121 00-3	D	SARAJEVO-OSIGURANJE d.d.	1.100,00	10.01.2022.
7.	Nabavka dizel goriva	091342 20-5	D	PETROL BH Oil Company d.o.o.	2.500,00	20.01.2022.
8.	Usluge dezinfekcije, dezinsekcije i deratizacije	909230 00-3	D	DERATIZACIJA d.o.o.	500,00	12.04.2022.
9.	Nabavka klima uređaja	425120 00-8	D	SES d.o.o.	2.208,00	13.05.2022.
10.	Osiguranje i registracija vozila	665121 00-3 716312 00-2	D	AS-T d.o.o.	650,63	03.08.2022.
11.	Nabavka protočnog bojlera	446212 10-4	D	PRIM INVEST d.o.o.	135,00	30.09.2022.
12.	Nabavka konvektora	397152 40-1	D	AM SUPPORT d.o.o.	1.470,00	24.10.2022.
13.	Nabavka računara	302133 00-8	D	AM SUPPORT d.o.o.	3.418,00	27.12.2022.
<b>Ukupno:</b>					<b>22.273,36 KM</b>	

## SISTEMATIZACIJA RADNIH MJESTA

Unutrašnja organizacija Pravobranilaštva Kantona Sarajevo uređena je Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine.

Poslovi iz djelokruga Pravobranilaštva Kantona Sarajevo vrše se u okviru sljedećih organizacionih jedinica:

1. Odjeljenje nosilaca pravobranilačke funkcije;
2. Odjeljenje za upravu, normativno administrativne, opšte, tehničke i pomoćne poslove.

### **1. Odjeljenje nosilaca pravobranilačke funkcije**

Odjeljenje nosilaca pravobranilačke funkcije vrši poslove na osnovu Ustava BiH, Ustava FBiH, Ustava Kantona Sarajevo, zakona i drugih propisa i općih akata donijetih u skladu sa odgovarajućom zakonodavnom regulativom, u skladu sa nadležnostima iz Zakona o pravobranilaštvu (poslovi zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton), te također vrši i druge poslove na osnovu Zakona o pravobranilaštvu.


### **2. Odjeljenje za upravu, normativno administrativne, opšte, tehničke i pomoćne poslove**

Odjeljenje za upravu normativno administrativne, opće, tehničke i pomoćne poslove, organizuje i izvršava poslove u cilju što potpunijeg i efikasnijeg izvršavanja osnovne djelatnosti Pravobranilaštva Kantona Sarajevo, te izvršavanje ostalih prava i obaveza Pravobranilaštva Kantona Sarajevo utvrđenim odgovarajućim zakonskim propisima (izrada normativnih akata, izrada budžeta, poslovi iz radnog odnosa uposlenih), godišnji odmori, plaćeno odsustvo, poslovi pisarnice (prijem i otprema pošte) vodi upisnike, ažurira spise, arhiva predmeta, poslovi AOP (automatska obrada podataka), obrada i priprema predmeta, obračun i kontrola ugovora, finansijsko računovodstveno poslovanje, rad sa strankama i drugih poslova po naređenju Pravobranilaštva koji doprinose efikasnijem radu Pravobranilaštva Kantona Sarajevo.

U skladu sa Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine., u Pravobranilaštvu Kantona Sarajevo sistematizovana su 23 radna mjesta, kao u slijedećem tabelarnom prikazu.

Sistematizovana radna mjesta	Broj mjesta
Pravobranilac	1
Zamjenici pravobranioca	7
Sekretar Pravobranilaštva	1
Šef unutrašnje organizacione jedinice	1
Stručni savjetnik	2
Stručni saradnik	1
Stručni saradnik za ekonomske poslove	1
Viši referent – tehnički sekretar	1
Viši referent za računovodstvene i druge poslove	1
Viši referent za parnične i izvršne poslove	2
Viši referent za poslove pisarne	1
Referent za dokumentaciju - arhivar	1
Viši referent - daktilograf	1
Pomoćni radnik	1
VKV - Vozač	1
<b>Ukupan broj sistematizovanih radnih mjesta</b>	<b>23</b>

Pravilnikom o unutrašnjoj organizaciji Pravobranilaštva Kantona Sarajevo, predviđeno je, dakle, jedno mjesto pravobranioca, sedam mjesta zamjenika pravobranioca, šest državnih službenika i devet namještenika.



## **OCJENA STANJA I POSTIGNUTI REZULTATI**

Analizom ukupnog stanja i uzimajući u obzir aktivnosti ovog Pravobranilaštva na poslovima zaštite imovine i imovinskih interesa Kantona Sarajevo, iz ovog Izvještaja može se utvrditi, da je Pravobranilaštvo Kantona Sarajevo u 2022. godini, kako zastupanjem pred sudovima i drugim organima, tako i kroz davanje prethodnog pravnog mišljenja i obavljanja drugih poslova iz okvira nadležnosti, te pružajući pravnu pomoć, pa i dalje usljed očitog nesrazmjera u broju predmeta naspram broja nosilaca pravobranilačke funkcije (v.d. Pravobranilac i 6 zamjenika pravobranioca) i obavljanja svojih zadataka u veoma teškim uslovima, kvalitetno i sa velikim uspjehom obnašalo svoju funkciju, ostvarujući zapažene rezultate.

Smatramo da je ovo Pravobranilaštvo u izvještajnom periodu, kao i prethodnih godina, krajnje profesionalno i uspješno obavljalo poslove zaštite imovine i imovinskih interesa Kantona Sarajevo i pored velikog broja pritisaka koji su usmjereni na rad ovog Pravobranilaštva, a imajući u vidu i činjenicu da u punom kapacitetu zastupa i štiti imovinu i imovinske interese općine Ilijaš.

Pored priliva novih i prisustva veoma složenih predmeta iz ranijih godina a koji zahtijevaju poseban pristup, vrijeme za proučavanje činjenične i pravne situacije, izuzetno širokog dijapazona djelovanja ovog organa i kontinuiranog proširivanja nadležnosti Pravobranilaštva drugim propisima, svi poslovi su se u izvještajnom periodu obavljali ažurno i blagovremeno, stoga smatramo da je ovaj organ opravdavao svoju funkciju.

## **SARADNJA PRAVOBRANILAŠTVA SA ORGANIMA KOJE ZASTUPA**

Saradnja Pravobranilaštva Kantona Sarajevo sa svim organa uprave, Javnim preduzećima i institucijama čiji osnivač je Kanton Sarajevo se poboljšala u izvještajnoj godini. Primjećujemo da su organi sa kojim surađujemo ažurniji u dostavljanju tražene dokumentacije a što je rezultiralo kvalitetnom i otvorenom saradnjom.

Ovdje smatramo bitnim naglasiti da se saradnja ne odnosi samo u postupcima zastupanja, dakle saradnja nije fokusirana samo na određene predmete u kojim se Pravobranilaštvo Kantona pojavljuje kao zakonski zastupnik Kantona Sarajevo ili njegovih organa. Saradnja se jednako tako ogleda i u održavanju velikog broja sastanaka na kojima prisustvuju predstavnici Pravobranilaštva radi davanja potrebnih pravnih savjeta, smjernica i uputa, a sve radi donošenja pravilnih zaključaka i odluka koji će biti u najboljem interesu Kantona Sarajevo.

Shodno članu 3. Zakona o pravobranilaštvu ("Sl. novine Kantona Sarajevo", br. 33/2008 - prečišćen tekst, 7/2012, 44/2016 i 45/2021) državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno, te na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno, o čemu navedene institucije trebaju naročito voditi računa, kako bi se izbjegle situacije u kojima bi Pravobranilaštvo, ne svojom krivicom, bilo dovedeno u situaciju da eventualno ne zastupa neki od organa na adekvatan način.

Ovaj organ će u cilju zaštite imovine i imovinskih interesa Kantona Sarajevo, a naročito u sudskim postupcima, održavati dobru poslovnu saradnju sa organima Kantona Sarajevo, te težiti uspostavi još kvalitetnije odnose, a sve u cilju stručnije zaštite imovine i imovinskih interesa Kantona. Ovo naročito kada se imaju u vidu odredbe Zakona o parničnom postupku FBiH i poštivanje zakonskih rokova, koji su prekluzivni, po kojem se na pripremnom ročištu moraju istaći sve činjenice i dostaviti svi dokazi, tako da je organ koga zastupa Pravobranilaštvo, obavezan dostaviti Pravobranilaštvu izjašnjenje na činjenične navode tužbe, kao i sve dokaze koje posjeduje.

Kao svoju prednost u budućnosti ovaj organ vidi upravo u blagovremenoj, kontinuiranoj, efikasnijoj poslovnoj saradnji, a sve u zajedničkom interesu, a to je ishodovanje pozitivnih rezultata kao i zaštita imovine i imovinskih interesa Kantona Sarajevo.

## **PROGRAMSKA ORJENTACIJA ZA NAREDNI PERIOD**

U ostvarivanju principa ustavnosti i zakonitosti i ostvarivanju funkcija i zadataka koji proizilaze iz Zakona o pravobranilaštvu, aktivnosti Pravobranilaštva će i u narednom periodu biti usmjerene na:

- poduzimanju mjera i aktivnosti radi pravne zaštite imovine i imovinskih interesa Kantona Sarajevo;
- u saradnji sa drugim organima (tužilaštvo, sud i dr.) osigurati najveći stepen pravne zaštite imovine i imovinskih interesa Kantona Sarajevo;
- afirmisanju svih vidova preventivne djelatnosti, kao što su sporazumno rješavanje spornih odnosa;
- kontinuirano praćenje pojava i problema u vezi primjene zakona u praksi, te inicirati putem nadležnih institucija izmjene istih;
- osigurati saradnju sa federalnim organima i drugim organima, sa pravobranilaštvima na svim nivoima radi ujednačavanja prakse i zauzimanja stavova po istim ili sličnim pravnim pitanjima;
- intenzivirati svoje aktivnosti na ukazivanju Skupštini i Vladi Kantona Sarajevo na uočene pojave i probleme koji ugrožavaju i narušavaju imovinu Kantona Sarajevo, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te davati prijedloge za sprječavanje istih;
- inicirati aktivnosti na ažuriranju evidencije o imovini Kantona Sarajevo u saradnji sa svim organima kojima je povjereno korištenje imovine Kantona Sarajevo;
- pokretati postupke radi upisa stvarnih prava u korist Kantona Sarajevo i pristupiti knjiženju nekretnina u zemljišnu knjigu;



- stalnoj edukaciji nosilaca pravobranilačke funkcije i drugih uposlenika putem savjetovanja, seminara, te kroz kontinuirano praćenje sudske prakse i nove zakonske regulative.



ARAJEVO



Broj: 03-02-04-29261-1/23  
Sarajevo, 18.7.2023. godine

**KANTON SARAJEVO**  
**VLADA KANTONA SARAJEVO**

**PREDMET: Mišljenje na Izvještaj o radu Pravobranilaštva**  
Kantona Sarajevo za 2022. godinu

Pravobranilaštvo Kantona Sarajevo je državno tijelo čije su nadležnosti i funkcija propisani Zakonom o pravobranilaštvu ("Službene novine Kantona Sarajevo", br. 33/08, 7/12, 44/16 i 45/21). Kao državno tijelo čija je osnovna nadležnost preduzimanje mjera i pravnih sredstava radi pravne zaštite imovine i imovinskih interesa Kantona Sarajevo i njegovih organa, Pravobranilaštvo Kantona Sarajevo svoju funkciju vrši u skladu s Ustavom, zakonom, drugim propisima i općim aktima. Dalje, Pravobranilaštvo Kantona Sarajevo je nadležno za pružanje stručne pomoći u rješavanju imovinsko-pravnih pitanja kantonalnim organima uprave i upravnim organizacijama te drugim institucijama čiji je osnivač Kanton, kao i davanje mišljenja pri zaključivanju ugovora imovinsko-pravne prirode te donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Kantona. Pravobranilaštvo Kantona Sarajevo zastupa institucije čiji je osnivač Kanton u svim sudskim postupcima i u upravnom postupku, te u poslovima pravne zaštite imovine i imovinskih interesa pred stranim sudovima, arbitražama i drugim stranim državnim organima i organizacijama.

Na osnovu odredbi člana 37. stav 2. Zakona o pravobranilaštvu, Pravobranilaštvo Kantona Sarajevo podnosi Skupštini i Vladi Kantona Sarajevo izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva. Ministarstvo pravde i uprave Kantona Sarajevo daje mišljenje na godišnji izvještaj o radu Pravobranilaštva Kantona Sarajevo te, uz izvještaj Pravobranilaštva, dostavlja Vladi i Skupštini Kantona Sarajevo mišljenje s prijedlogom zaključaka.

Izvještaj o radu Pravobranilaštva za 2022. godinu prezentira aktivnosti Pravobranilaštva kroz pregled broja, vrste i statusa predmeta u radu Pravobranilaštva u izvještajnom periodu, te pregled značajnijih predmeta parničnog postupka iz različitih oblasti u 2022. godini. Također, u izvještaju je dat tabelarni pregled izvršnih postupaka, izvršnih postupaka za naplatu sudske takse, datih pravnih mišljenja, vansudskih nagodbi, stambenih predmeta i predmeta u pripremi. Nakon iznesenih podataka o predmetima, u izvještaju je prikazan pregled provedenih postupaka javnih nabavki za period od 1.1.2022. godine do 31.12.2022. godine, te sistematizacija radnih mjesta u Pravobranilaštvu. Završni dio izvještaja sadrži ocjenu stanja i postignute rezultate, kao i navode o saradnji Pravobranilaštva s organima koje zastupa i programskoj orijentaciji za naredni period.

U izvještajnom periodu, a prema brojkama i vrstama predmeta koje su prikazane u tabeli, u radu Pravobranilaštva Kantona Sarajevo evidentirano je ukupno 12.796 predmeta, što je veći broj predmeta u odnosu na prethodnu godinu kada je u radu bilo ukupno 12.475 predmeta. Od ukupnog broja predmeta, u 2022. godini primljeno je 3.820 predmeta, a 8.976 predmeta je preneseno iz ranijih godina. Procenat riješenih predmeta u 2022. godini iznosi 24,49 %, odnosno 3.133 predmeta, što je znatno veći broj u odnosu na prethodnu godinu, dok se u radu kod suda ili organa uprave nalazi ukupno 9.654 predmeta. U izvještaju se naglašava da ukupan postotak riješenosti predmeta u 2022. godini, prema stanju u tabeli, zavisi isključivo od suda, odnosno organa uprave koji je nadležan za rješavanje pojedinog predmeta. Iz tabelarnog prikaza predmeta vidljivo je da se najveći broj predmeta, njih 5112, odnosi na izvršne postupke za naplatu sudske takse, iza kojih slijede izvršni postupci, kojih je u 2022. godini bilo ukupno 4786. Treći po zastupljenosti su parnični predmeti kojih je u izvještajnom periodu bilo 1.936. Preostali broj predmeta odnosi se na mišljenja, predmete u pripremi, upravni postupak i upravni spor, te manji broj predmeta na vanparnični postupak i mišljenja u vezi nadležnosti Pravobranilaštva shodno članu 16. Zakona o građevinskom zemljištu i članu 363. Zakona o stvarnim pravima.

Iako nisu najbrojniji u izvještajnom periodu, parnični postupci, kao najsloženija vrsta postupaka, su najznačajniji postupci jer zahtijevaju visok stepen znanja i angažovanja nosilaca pravobranilačke funkcije. U parničnim postupcima Pravobranilaštvo Kantona Sarajevo nastupa kao tužitelj, tuženi ili u svojstvu umješača na strani tužitelja ili tuženog kada želi da ta stranka uspije u sporu. U izvještaju se ističe da je u 2022. godini došlo do povećanja broja predmeta u kojima se Pravobranilaštvo Kantona Sarajevo pojavljuje kao umješač na strani tužitelja ili tuženog, a sve u cilju uspjeha u sporu one stranke na čijoj strani je Pravobranilaštvo u svojstvu umješača. Posebno se ukazuje na miješanje u parnicama u kojima vrijednost spora iznosi i po nekoliko miliona konvertibilnih maraka, a odnosi se na postupke za određivanje visine naknade za zemljišta u vodozaštitnim zonama.

U svom izvještaju Pravobranilaštvo tabelarno prikazuje značajnije predmete iz oblasti radno-pravnih sporova, obligaciono-pravnih sporova – naknade štete, predmeta u kojima Kanton Sarajevo potražuje isplatu duga na ime koncesione naknade za eksploataciju, te postupke iz oblasti imovinsko-pravnih odnosa.

U izvještajnom periodu kao najbrojniji ističu se izvršni predmeti, odnosno izvršni predmeti za naplatu sudske takse. Pravobranilaštvo Kantona Sarajevo u izvršnim predmetima se pojavljuje kao tražilac izvršenja ili izvršenik, a u izvršnim predmetima za naplatu sudske takse nastupa u svojstvu tražioca izvršenja jer je ovlašteno za prinudnu naplatu sudske takse. U postupcima prinudne naplate sudske takse kao prepreke u prinudnoj naplati sudske takse ističu se dugotrajnost u pronalaženju i identifikaciji taksenih obveznika, s obzirom da se nerijetko kao takseni obveznici pojavljuju strani državljani, kao i to što je u svakom predmetu potrebno vršenje uvida u sudske spise, pribavljanje klauzule pravosnažnosti i izvršnosti te posebno pribavljanje informacija o imovini i primanjima dužnika. Vrijednost koja je uplaćena na ime sudske takse za 2022. godinu iznosi 667.581,81 KM i u odnosu na prethodnu godinu predstavlja značajno povećanje. Također, kao značajna stavka u izvještaju naglašava se naplata sudskih troškova u 2022. godini u iznosu od 98.982,16 KM, što predstavlja veliku razliku u odnosu na prethodni izvještajni period kada je naplaćeno 24.878,80 KM.

U skladu sa svojim nadležnostima propisanim Zakonom o pravobranilaštvu, Pravobranilaštvo Kantona Sarajevo je u izvještajnom periodu, kako se to u izvještaju navodi, dalo značajan broj pravnih mišljenja u postupcima zaključenja ugovora kojima se raspolaže imovinom Kantona Sarajevo te ističe značaj i ovih poslova s obzirom na njihovu složenost, a ukupan broj datih pravnih mišljenja u 2022. godini je 275.

Nakon tabelarnog pregleda javnih nabavki provedenih u toku izvještajnog perioda i podataka o unutrašnjoj organizaciji i sistematizaciji radnih mjesta u Pravobranilaštvu Kantona Sarajevo, u izvještaju je data ocjena stanja i kratak osvrt na postignute rezultate Pravobranilaštva, kao i istaknuta važnost saradnje Pravobranilaštva sa organima koje zastupa u cilju efikasnije zaštite imovine i imovinskih interesa Kantona Sarajevo. U programskoj orijentaciji za naredni period istaknuto je da će aktivnosti Pravobranilaštva Kantona Sarajevo biti usmjerene na osiguravanje najvećeg stepena pravne zaštite imovine i imovinskih interesa Kantona Sarajevo kroz saradnju s drugim organima, preventivnu djelatnost u vidu sporazumnog rješavanja spornih odnosa, intenziviranje aktivnosti na ukazivanju Skupštini i Vladi Kantona Sarajevo na uočene pojave i probleme koji ugrožavaju imovinu Kantona Sarajevo o kojima dobije saznanja kroz rad na predmetima, iniciranje aktivnosti na ažuriranju evidencije o imovini Kantona Sarajevo u saradnji sa svim organima kojima je povjereno korištenje imovine Kantona Sarajevo, kao i stalnu edukaciju nosilaca pravobranilačke funkcije i drugih uposlenika putem savjetovanja, seminara te kroz kontinuirano praćenje sudske prakse i nove zakonske regulative.

Analizom podataka o predmetima koje je prezentiralo Pravobranilaštvo Kantona Sarajevo u svom Izvještaju o radu za 2022. godinu, a imajući u vidu prethodne godine, primijetan je trend povećanja broja predmeta u radu svake naredne godine. Ministarstvo pravde i uprave Kantona Sarajevo smatra da Pravobranilaštvo Kantona Sarajevo u kontinuitetu ostvaruje pozitivne rezultate u svome radu te podržava razvoj ove institucije u skladu s utvrđenim prioritetima definisanim u programskoj orijentaciji za naredni period, s ciljem jačanja digniteta pravobranilačke funkcije, kao i unapređenja ukupne kvalitete zaštite imovine i imovinskih interesa Kantona Sarajevo.



Darja Softić Kadenić